

道光丙戌仲春鐫

籌濟編

詒研齋藏版

籌濟編目錄

希鈺

常熟楊景仁靜閑輯

男

希錫

校字

希銓

希鏞

卷首

蠲卹

功令

卷一

濟荒總論

卷二

報災

卷三

救災

卷四

勘災

卷五

審戶

附冊式票式

卷六

發賑

卷七

煮賑

卷八

平糶

卷九

通商

卷十

勸輸附授官勸賑說 救災有福說 安富以救貧說

卷十一

任卹

卷十二

借貸

卷十三

興工

卷十四

議蠲

卷十五

議緩

卷十六

輯流移

卷十七

視存亡

卷十八

保幼

卷十九

戢暴

卷二十

禱神

卷二十一

理刑

卷二十二

除蝗

卷二十三

伐蛟

卷二十四

撫瘡痍

卷二十五

尙淳樸

卷二十六

任賢能

卷二十七

嚴保甲

卷二十八

修水利

卷二十九

勸農功

附田制說

棉布說

異端游惰耗農食說

卷三十

裕倉儲

卷三十一

備雜糧

卷三十二

救火

附

籌濟編卷二十九

常熟楊景仁靜閑輯

勸農功

勸蠶績附見與修水利條叅看

周禮三農列太宰九職之首。而稼穡樹藝教於大司徒。其屬
遂人以興勸利。阡以時器勸。阡遂大夫修稼政。縣正趨稼事。
鄼長里長趨其耕耨。其受田不耕者。載師令出屋粟。無田不
耕者。閭師罰以祭無盛。警游惰重農務也。而凡蠶績材木與
夫雞豚狗彘之畜。兼營不費。以供養老祭祀之用。養也而教
行焉。漢代勸農風猶近古。誠以農事傷則饑之本。不獨水旱

災傷也。情農自安。罔有黍稷饑已至而救之。晚矣。是以籌荒政者。水利旣修。農功斯舉。又不可無以勸之也。爲勸農功條

第二十有八

周齊管子曰。治國之道。先富民。民富則易治也。民貧則難治也。夫富國多粟。生於農。故先王貴之。先王爲民興利除害。興利者利農事也。除害者禁害農者也。一農不耕。民有饑者。一女不織。民有寒者。決水潦。通溝瀆。修障防。安水藏。使時水雖過度。無害於五穀。歲雖凶旱。有所粉穫。司空之事也。景仁按粉音汾。齊也。禾東也。劉續註粉亦穫也。相高下。視肥磽。觀地宜。明詔期。前後農夫以時均修焉。使五穀桑

麻各安其處。由田之事也。

管子。景仁按原注。由田。峻之類。愚考韓詩外傳。南北耕曰由。呂氏春秋。堯使

后稷爲大由。注。由。大農也。錢譜。神農幣文農作由。楊氏慎。丹鉛錄曰。由與農通。則由田者。掌農田者也。

漢文帝二年詔曰。農天下之本也。民所恃以生也。而民不務本而

事末。故生不遂。朕憂其然。今茲親帥羣臣以勸之。其賜天下民今

年田租之半。

漢書

十二年詔曰。道民之路在於務本。朕親率天下農。十年於今而野不加辟。歲一不登。民有饑色。是從事焉尙寡。而吏未加務也。吾詔書數下。歲勸民種樹。而功未興。是吏奉吾詔不勤。而勸民不明也。且吾農民甚苦。而吏莫之省。將何以勸焉。其賜農民今年租稅之

半漢書

文帝二年賈誼疏曰夫積貯者天下之大命也苟粟多而財有餘何爲而不成今歐民而歸之農皆著於本使天下各食其力末技游食之民轉而緣南畝則畜積足而人樂其所矣上感其言親耕

籍田

通鑑綱目

文帝十二年鼂錯上言曰聖王在上而民不凍饑者爲開其資財之道也民貧則姦邪生貧生於不足不足生於不農饑寒至身不顧廉恥人情一日不再食則饑終歲不製衣則寒夫腹饑不得食膚寒不得衣雖慈父不能保其子君安能以有其民哉是故明君

貴五穀而賤金玉。方今之務莫若使民務農而已。欲民務農在於
貴粟。貴粟之道在於使民以粟爲賞罰。今募天下之人入粟於邊
以受爵免罪。不過三歲。塞下之粟必多矣。帝從之。令民入粟於邊
拜爵各以多少級數爲差。漢書

後元年詔曰。間者數年比不登。又有水旱疾疫之災。朕甚憂之。夫
度田非益寡而計民未加益。以口量地。其於古猶有餘。而食之甚
不足者。其咎安在。毋乃百姓之從事於末以害農者。蕃爲酒醪。以
糜穀者多。六畜之食焉者衆。與其與丞相列侯吏二千石博士議
之。有可以佐百姓者。率意遠思。無有所隱。漢書

景帝後二年詔曰。雕文刻鏤傷農事者也。錦繡纂組害女紅者也。農事傷則饑之本。女紅害則寒之原也。夫饑寒並至而能亡爲非者寡矣。朕親耕后親桑以奉宗廟粢盛祭服爲天下先。不受獻減大官省徭賦。欲天下務農蠶素有蓄積以備災害。今歲或不登民食頗寡其咎安在。其令二千石各修其職。漢書

後三年詔曰。農天下之本也。黃金珠玉饑不可食寒不可衣以爲幣用不識其終始間歲或不登意爲末者衆農民寡也。其令郡國務農桑益種樹可得衣食物吏發民若取庸采黃金珠王者坐贓爲盜二千石聽者與同罪。漢書

武帝政和四年四月以趙過爲搜粟都尉過教民爲代田一畝三

畝畝者田中之溝代處代易也歲易其處故曰代田古法也后稷始畊田以二

耜爲耨廣尺深尺曰畊長終晦一夫三百畊播種於三畊中苗生

葉以上稍耨隴草因隤其土以附苗根詩曰或芸或苳黍稷𦵏𦵏

芸除草也苳附根也言苗稍壯每耨輒附根比盛暑隴盡而根深

能風與旱故𦵏𦵏而盛也其耕耘下種田器皆有便巧一歲之收

常過縵田

縵田謂不爲畊者

民或苦少牛平都令光教過以人輓犁是後

民皆便代田用力少而得穀多

漢書○景仁按畊古𦵏字晦𦵏本字苳與耨通引詩字有異同而解

休實能風旱之能讀耐與耐通程易田云畊隴相間畊播則隴

畊實能風旱之能讀耐與耐通程易田云畊隴相間畊播則隴

勤農功

四

以周官不易再易三易之地爲證。良然。惟周官以不易爲上地。我
田則更易播種。中間休息以養地力。正以易爲妙。固不盡同也。此
孟子深耕易耨之法。

元帝建昭五年。詔曰。方今農桑興。百姓勦力自盡之時。故是月勞
農勸民。無使後時。今不良之吏。覆案小罪。徵召證案。與不急之事。
以妨百姓。使失一時之作。亡終歲之功。公卿其明察申敕之。漢書

成帝陽朔四年。詔曰。夫洪範八政。以食爲首。斯誠家給刑錯之本
也。先帝勸農薄其租稅。寵其強力。令與孝弟同科。間者民彌怠惰。
鄉本者少。趨末者衆。將何以矯之。方東作時。其令二千石勉農桑。
出入阡陌。致勞來之。書不云乎。服田力穡。乃亦有秋。其勗之哉。漢書